

# Innspel til budsjett 2018

Ungdommens fylkesutval (UFU) legg merke til at det vert sett av kroner 310.000. UFU ynskjer å auke det frå 310.000 kroner til 320.000 kroner, grunna at ungdomssatsing i fylket er særskild viktig. Samanlikna med andre tilsvarande medverknadsorgan har Ungdommens Fylkesting i Hordaland eit budsjett som ligg under gjennomsnittet. Me ynskjer og å styrke sambandet mellom dei vestlege fylkeskommunale medverkingsorgana for ungdom samt å kunne delta på fleire relevante konferansar og UFT i andre fylkeskommunar, difor treng me ein større pott enn den me har fått tildelt.

## Opplæring og helse

UFT ynskjer at det skal gis fleire midlar til rådgjevingstenesta i den vidaregåande skulen. Me ynskjer at talet rådgjevarar, samt deira stillingsprosent og tilgjengelegheit, skal reflektera talet elevar ved skulen dei er rådgjevar på. Me meiner og at uavhengig av elevtalet bør skulane ha ein rådgivar med minimum 70% stilling. UFT ynskjer dette fordi vi ungdommen har erfart at rådgjevingstenesta i den vidaregåande skulen er for svak per dags dato.

UFT meiner at det bør gjevast fleire midlar til skulepsykologar, helsesøsterordninga og miljøterapeutar i den vidaregåande skulen. Dette er midlar det er sterkt behov for, då me ynskjer at det skal vera ein helsefagarbeidar til stades på alle vidaregåande skulane i fylket kvar dag. Dette vil skape eit betre psykososialt miljø som vil føre til betre tryggleik hjå elevane, som igjen vil skape trivsel. Dette vil hjelpe oss nærare målet om den optimale skule.

UFT meiner at det bør gjevast fleire midlar til tannhelsetenesta slik at ein kan utvide tilbodet om gratis tannhelseteneste til 20 år og utvide rabattordninga til fylte 25 år. Det er mange i denne alderen som ikkje har ein så veletablert personøkonomi at dei har moglegheit til å finansiere store helseutgifter som tannlege.

UFT meiner at det bør gjevast meir pengar til dei vidaregåande skulane i fylket slik at elevane slepp å betale utgifter som ikkje er dekkja av grunnstipendet. Eksempel på slike utgifter er kopi-og utskriftsavgifta som er ved nokre vidaregåande skular og at dei som er innanfor ungdomsbillettområdet skal få fri skuleskyss slik som dei utanfor området.

## Miljø og samferdsel

UFT meiner at ungdomskortet ikkje skal overskride 45% av prisen for periodeskyss for vaksne per måned. Ein noverande takst på 46,7% vil auke til 50%, og overskrider dermed prisen for periodeskyss for vaksne per måned. Vi meiner at dette er feil veg å gå om ein ynskjer å gjere kollektivtransport attraktiv for ungdom. Ei slik prisauke i kollektivtransporten vil gjere det lettare å velja bil framfor kollektivtransport, og vil resultere i auka forureining. Vi meiner at vegen å gå er at det heller skal

lønne seg å ta kollektivtransport, og at det heller skal bli dyrare å velje den ikkje miljøvenlege framkomstmetoden.

UFT meiner at ein ikkje bør senka aldersgrensa på ungdomskortet frå 20 år til 19 år. Mange av 19 åringane i dag går fortsatt i den vidaregåandeskule og er ikkje under foreldra lengre. Når kollektivtransport er den einaste moglegheita å komme seg til skulen på, så kan dette bli ein tøff utgift å dekke.

UFT meiner at vi må legge ekstra stor vekt på trafiksikring i fylket. Vi vil auke midlane til trafikkskring, og ikkje opprethalda slik som budsjettet er i dag. Dette grunnar vi med at satsinga på trafiksikring er bra, men vi meiner at den bør bli betre og det kan gjerast gjennom ei auke i budsjettet.

### **Kultur, idrett og Regional utvikling**

Ungdommens fylkesting ynskjer at det skal bli sett av midlar for å utvide kulturtilbodet i den vidaregåande skulen i fylket. Ungdom i fylket får heller ikkje fullt utbytte av kulturtilboda i fylket av den grunn at få unge veit kva for tilbod som finnes. Vi meiner at løysninga er ein kulturapp som gjer det lettare for ungdom og få informasjon om kva for kulturtilbod som finnes i fylket. Digitalisering er nødvendig for å nå ut til ungdom, og på best mogleg måte fremme de ulike kulturtilboda.

Ungdommens Fylkesting ynskjer også at opningstidene på museum i Hordaland blir utvida, og det er derfor ynskjeleg med ein større aukning i midler til museumsloft. I dag har dei fleste museuma opningstider som gjer det problematisk for ungdom å ta i bruk dette kulturtilbodet. For eksempel i skoletid. Det er viktig å legge til rette for at kulturlivet er tilgjengeleg for alle, og UFT ynskjer derfor at noen av midlene skal gå til å utvide opningstidene på museum i fylket. UFT ynskjer også at offentlege bygg skal bli lettere tilgjengeleg for utlån, som flere opne idrettsfasiliteter og gratis øvingslokaler for utvikling av musikkmiljøet. Det vil gi mulighet og fremme aktivitet blant unge på et lavterskelnivå, der en ikke behøver å være del av et lag el. for å bruke anlegga, og møte andre unge. Vi ynskjer også å kommentera at vi synes det er svært bra at Ung Kultur Møtas (UKM) har fått meir midler i forslaget